

## NIWAKATE FILEMOM

Paulo jẹgẹpaa yaxawa Filemom me nakato Goniotagodi. (Awiniteloco v19). Filemom ligeladi manitaḡa nigotaḡa Colossos, one ḡoneleegiwa liico. Niḡica ligeladi one nelegi, odaa loiigi Goniotagodi jiḡidiaaḡi me yatecoḡotibece. (Awiniteloco v2). Filemom onijo ica liotagi ane li-boonaḡadi Onésimo ane iale. Pida niḡidiaaḡidi Paulo ja dakapetege Onésimo, odaa ja yaxawa meo meliodi me nakato Goniotagodi. (Awiniteloco Colossenses 4.9). Odaa niḡidiaaḡidi Paulo ja iige Onésimo mopitacicogi ligeladi Filemom, odaa idi naḡadi liwakatetigi Filemom me dipokota me dibatege Onésimo me daḡa leeditibige me iloikatidi.

### *Paulo yecoaditibige Filemom*

<sup>1</sup> Ee Paulo, ite ee niwiloḡonaḡaxi leegodi me jitece Jesus Cristo. Ee iniaa ḡonioxa Timóteo jiwakateenagaḡatibigaḡaji naḡadi notagaḡaxi, akamaḡakaami, Filemom ane akaami ḡodokaaḡedi me jibaaḡa, ḡodokaaḡedi ḡodemaanigi.

<sup>2</sup> Aaḡaḡa jidikotibige loiigi Goniotagodi ane dinatecoḡoteetibece digoida ḡadiḡeladi, codaa me jidikotibige ḡoniwaalo Áfia, iniaa Arquipo ane ḡodokaaḡedi niḡina me jakapaḡatege ane beyagitedoḡodomi.

<sup>3</sup> Jemaanaḡa Aneotedoḡoji ane Godiodi, iniaa Goniotagodi Jesus Cristo me daḡaxa

meletaḡadomitiwaji, codaa meote ḡadaaleḡenali mele.

*Paulo yalaḡata Filemom anodaḡee meyiwaḡadi Aneotedoḡoji codaa me yemaa nioxoadipi, niḡijo anodiatece Goniotaḡodi Jesus*

<sup>4</sup> Niḡina me jotaḡaneḡe Aneotedoḡoji, idioka limedi me idalaḡatibigaḡaji Filemom, oḡaa inio-tagodetalo Iniotaḡodi Aneotedoḡoji.

<sup>5</sup> Iḡaataḡa jajipa moyalaḡataḡawa me daḡaxa manakatonɪ Goniotaḡodi Jesus, codaa me jajipatiḡece meliodi memaani ijotawece niḡijo Aneotedoḡoji ane iolatedice me nebi.

<sup>6</sup> Oko dinokaḡetedi, codaa jaxawanaga oninitecibeci leeḡodi okotawece jinakatonaga Goniotaḡodi. Enice jipokotalo Aneotedoḡoji meote me daḡaxa mowooḡoti niḡinoa anicinoa anele ane najigotedoḡowa leeḡodi me ḡodexogoteḡe Jesus Cristo, leeḡodi maxawani eledi oko.

<sup>7</sup> Inioxa, leeḡodi meliodi memaani ḡanioxoadipi, jaḡawii me daḡaxa me idinitibeci codaa meliodi me adoniciwaḡati, iḡaataḡa ajicitiḡi laaleḡena ijotawece niḡijo loiḡi Aneotedoḡoji ane iolatedicoace me nepilidi.

*Paulo dipokota Filemom mele me dibateḡe Onésimo*

<sup>8</sup> Leeḡodi me micataḡa daḡa ee ḡanioxoa, codaa me leeḡodi me ḡodexogoteḡe Jesus Cristo ane najigotediwa inaḡatetiḡi, ani yaaleḡena me ḡadiiḡeni mawii niḡica ane domaḡa leeditibige mawii.

<sup>9</sup> Pida leeḡodi me jemaanaḡa oninitecibeci eledi oko, ee ajemaa me ḡadiiḡeni, pida jemaa me jipokotaḡawa leeḡodi Onésimo, idaaḡida

ee Paulo baanaḡa ee laxokegi, codaa me idejo niwilogonaḡaxi leegodi me jiocece Cristo.

<sup>10</sup> Enice, leegodi memaani iditawece loiigi Aneotedoḡoji, jipokotaḡawa mele mabaatege Onésimo. Onésimo micataḡa daḡa ionigi, igaataḡa maleeginaaḡejo niwilogonaḡaxi jaxawa me nakato Goniotagodi, oada ja micataḡa deḡee eliodi.

<sup>11</sup> Niḡijo jotigide, aḡica niwalótaḡadomitiwaji, pida natigide jiḡida niwalótaḡadomi codaa me ee. (Oada niḡida liboonagadi Onésimo diitigi me daḡaxa me diniwaloe.)

<sup>12</sup> Jiḡe Onésimo mopitacicogi makaamita. Eliodi me jemaa liciagi me idinema.

<sup>13</sup> Domaḡa jemaa me inolitini digoina meetaḡa me idaxawa me waxodi ḡamedi maleeginaaḡejo niwilogonaḡaxi leegodi mejitece nibodicetedi anele ane yalaḡatece Cristo.

<sup>14</sup> Pida adomaḡa jemaa me inoiigiwa me daḡa idinilakidetagagi. Ajemaa me ḡadiedegeni me adaxawani, pida jemaa me adaxawani idokida nige akamaḡemaani.

<sup>15</sup> Ica ina Aneotedoḡoji daḡa ika Onésimo me ḡadalatawaanigi me akatitace mabaatege me opitacagawa midiaaḡi nigepaa anigicatibige.

<sup>16</sup> Igaataḡa natigide aḡaleegidokida me niotagi, pida catedi me liciagi niotagi, ḡonioxoa daḡaxa me ḡodemaanigi, leegodi me yexogotege Goniotagodi. Eliodi me jemaa, pida emaani catedi anejigota me jemaa. Diganagawini emaani aḡidokida me ḡaotagi anele, pida micataḡa daḡa ḡanioxoa, ane yexogotege Goniotagodi.

<sup>17</sup> Enice nigakati me ee ḡadokaagedi, me jax-

awanaḡa oninitecibeci, abaatege Onésimo an-odaagee mabaatigi.

<sup>18</sup> Nigeo me aniatitema ḡaninyeelo, oḡoa domige ḡadinaaleweeni, anikanitici emaga ḡadediani.

<sup>19</sup> Ee Paulo jidikotibigaḡaji me jedia okanicodaaḡica naalewe. Pida jemaa manalakitibige me micataḡa daḡa adinaaleweeni, leegodi ee ḡadaxawani manakatoni Goniotaḡodi, odaa jiḡidaagee naḡa ḡadewikitace.

<sup>20</sup> Enice, inioxoa, awii niḡijo ane jipokotaḡawa leegodi Goniotaḡodi, odaa adoniciwaḡati, ane ee ḡanioxoa leegodi me ḡodexogotege Goniotaḡodi.

<sup>21</sup> Malee jidi naḡadi iwakate notagaḡaxi, ḡadinakatoni mawii ane jipokotaḡawa, codaa mawii caticedi niḡijo ane jipokotaḡawa.

<sup>22</sup> Pida eledi ane jipokotaḡawa. Awii iomaḡatitice imedi minitaḡa ḡadigeladi, igaataga inibeotege Aneotedoḡoji meote anipokitalo, odaa etidikatice, odaa jakadi mejigo makaamitaḡa.

<sup>23</sup> Epafraḡ, anini niwilogonaḡaxi meetaga leegodi me diotece Jesus Cristo, yecoaditibigaḡaji.

<sup>24</sup> Codaa oyecoaditibige yokaḡetedipi me jiba, Marcos, Aristarco, Demas iniaa Lucas.

<sup>25</sup> Jemaa Goniotaḡodi Jesus Cristo me daḡaxa meletedaḡadomitiwaji.

## **Gela Liwai Lotaganaḡaxi Aneotedoḡoji** **New Testament in Kadiwéu (BR:kbc:Kadiwéu)**

copyright © 2012 Wycliffe Bible Translators, Inc.

Language: Kadiwéu

Translation by: Wycliffe Bible Translators, Inc.

### **Copyright Information**

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Kadiwéu

**© 2012, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

---

PDF generated using Haiola and XeLaTeX on 18 Apr 2025 from source files  
dated 29 Jan 2022  
7128a549-e957-5460-8c56-0f5281edf264